



# Նպաստների հասկացությունը

## Բովանդակություն

|                                                                   |    |
|-------------------------------------------------------------------|----|
| Սոցիալական ապահովություն. պարզ հասկացություն                      | 1  |
| Ի՞նչ պետք է իմանալ սոցիալական ապահովության մասին, երբ աշխատում եք | 4  |
| Ինչ պետք է իմանալ նպաստների մասին                                 | 5  |
| Նպաստներ Ձեր ընտանիքի համար                                       | 8  |
| Ե՞րբ պատրաստ լինել նպաստի դիմելու համար                           | 10 |
| Լրացուցիչ ապահովության եկամուտի (SSI) ծրագիրը                     | 11 |
| Բողոքարկման իրավունք                                              | 12 |
| Անցանց « իմ սոցիալական ապահովության» հաշվեհամարը                  | 12 |
| Medicare                                                          | 12 |
| Որոշ փաստեր սոցիալական ապահովության վերաբերյալ                    | 15 |
| Կապ Հաստատել Սոցիալական Ապահովության Ծառայության հետ              | 16 |

## Սոցիալական ապահովություն. պարզ հասկացություն

Սոցիալական ապահովությունը հասանելի է գրեթե յուրաքանչյուր ընտանիքի համար, և ինչ-որ պահի այն առընչվում է համարյա բոլոր ամերիկացիների կյանքի հետ:

Սոցիալական ապահովությունն օգնում է տարեց ամերիկացիներին, հաշմանդամ դարձած աշխատողներին և ընտանիքներին, որոնցում ամուսինը/կինը կամ ծնողը մահացել են: Մեր ժամանակներում մոտ 167 միլիոն մարդ աշխատում և վճարում

են սոցիալական ապահովության հարկերը, իսկ մոտ 59 միլիոն մարդ ստանում են սոցիալական ապահովության ամսական նպաստներ:

Մեր շահառուների մեծամասնությունը կազմում են կենսաթոշակառուները և նրանց ընտանիքները՝ մոտ 42 միլիոն մարդ:

Սակայն կենսաթոշակի անցնող մարդկանց համար սոցիալական ապահովությունն երբեք չի հանդիսացել եկամտի միակ աղբյուրը: Կենսաթոշակի անցնելուց հետո սոցիալական ապահովությունը փոխարինում է միջին աշխատավարձ ստացողի եկամտի

մոտ 40 տոկոսը, իսկ ֆինանսական խորհրդատուների մեծ մասը կարծում է, որ հարմարավետ ապրելու համար կենսաթոշակառուներին անհրաժեշտ կլինի մինչթոշակային եկամուտների ավելի քան 70 տոկոսը: Կենսաթոշակառու կարգավիճակում հարմարավետ կյանք վարելու համար ամերիկացիներին անհրաժեշտ է ունենալ ավելին, քան սոցիալական ապահովությունն է: Նրանք ունեն նաև անհատական կենսաթոշակի, խնայողությունների, ավանդների կարիք:

Մենք ցանկանում ենք, որպեսզի դուք պատկերացնեք, թե սոցիալական ապահովությունը ինչ կարող է նշանակել ձեր և ձեր ընտանիքի ֆինանսական ապագայի համար: Նպաստների հասկացությունը *վերնագրով այս հրատարակությունը* բացատրում է սոցիալական ապահովության համակարգում կենսաթոշակառուներին, հաշմանդամներին և կերակրողին կորցրած ընտանիքներին ուղղված ապահովագրական ծրագրեր գլխավոր դրույթները:

Ներկայիս սոցիալական ապահովության համակարգը գործում է հետևյալ կերպ. երբ դուք աշխատում եք, դուք վճարում եք սոցիալական ապահովության հարկեր: Մենք օգտագործում ենք հարկային գանձումների այդ գումարները ստորև խմբերին նպաստներ վճարելու համար.

- Կենսաթոշակառուներ,
- Հաշմանդամներ,
- Կերակրողին կորցրած անձիք, և
- Խնամակալության տակ գտնվող շահառուներ:

Գանձվող հարկի գումարը չի պահվում ձեր անձնական հաշվին՝ ձեր նպաստները վճարելու համար: Մենք օգտագործում ենք ձեր վճարած հարկերը՝ տվյալ պահին նպաստներ ստացող մարդկանց վճարելու համար: Յուրաքանչյուր չօգտագործված գումար գնում է սոցիալական ապահովության հավատարմագրային կառավարիչ ֆոնդերին, և ոչ ձեր անունով ստեղծված անձնական հաշվին:

## **Սոցիալական ապահովությունն ավելին է, քան ծերության կենսաթոշակը**

Շատ մարդիկ այն կարծիքի են, թե սոցիալական ապահովությունը պարզապես ծերության կենսաթոշակային ծրագիր է: Նպաստառուների մեծամասնությունը կենսաթոշակառու է, սակայն այլ անձիք ևս ստանում են նպաստներ, քանի որ նրանք

- Հաշմանդամ են,
- Նպաստառուի ամուսինն/կինն են կամ երեխան,
- Սոցիալական ապահովությունն ստացողի կամ իրավասուի ամուսնալուծված ամուսինը/կինն են,
- Մահացած աշխատողի ամուսինը/կինն են կամ երեխան,
- Մահացած աշխատողի ամուսնալուծված ամուսինը/կինն են, կամ
- Մահացած աշխատողի խնամառու ծնողն են:

Կախված հանգամանքներից՝ դուք սոցիալական ապահովության իրավունք կարող եք ունենալ ցանկացած տարիքում: Իրականում, սոցիալական ապահովությունը ավելի շատ նպաստներ է վճարում երեխաներին, քան որևէ այլ պետական ծրագիր:

## **Սոցիալական ապահովության հարկերը**

Ձեր և այլ աշխատողների կողմից համակարգ վճարվող սոցիալական ապահովության հարկերը մենք օգտագործում ենք սոցիալական ապահովության պետական նպաստներ վճարելու համար:

Սոցիալական ապահովության հարկերը դուք վճարում եք որոշակի գումարի չափով՝ ելնելով ձեր եկամուտների չափից: 2017 թվականին այդ գումարը կազմում է 127 200 ԱՄՆ դոլար:

## Medicare-ի հարկերը

Medicare-ի հարկերը դուք վճարում եք ձեր աշխատավարձերից կամ ձեռնարկատիրական գործունեության գույք եկամուտներից: Այս հարկերը Medicare-ի ապահովագրության համար են:

| Երբ դուք աշխատում եք այլ անձի մոտ | Սոցիալական ապահովության հարկը | Medicare-ի հարկը |
|-----------------------------------|-------------------------------|------------------|
| Դուք վճարում եք                   | 6.2%                          | 1.45%            |
| Ձեր գործատուն վճարում է           | 6.2%                          | 1.45%            |
| Երբ դուք անհատ ձեռնարկատեր եք     |                               |                  |
| Դուք վճարում եք                   | 12.4%                         | 2.9%             |

## Լրացուցիչ Medicare հարկը

Աշխատողները վճարում են հավելյալ 0.9 տոկոս Medicare հարկ՝ որոշակի շեմը գերազանցող եկամուտների դեպքում: Ստորև բերված աղյուսակում ներկայացված են շեմային գումարներ՝ ելնելով հարկ վճարողի կարգավիճակից.

| Հարկ վճարողի կարգավիճակ                                | Շեմային գումար |
|--------------------------------------------------------|----------------|
| Համատեղ ներկայացնող ամուսնացած զույգ                   | \$250,000      |
| Առանձին ներկայացնող ամուսնացած զույգ                   | \$125,000      |
| Միայնակ անձ                                            | \$200,000      |
| Ընտանիքի ղեկավարը (իրավասու անձի հետ միասին)           | \$200,000      |
| Իրավասու այրի կին/տղամարդ՝ ինամառու երեխայի հետ միասին | \$200,000      |

## Ու՞ր են գնում սոցիալական ապահովության ձեր հարկային վճարումները

Երբ դուք աշխատում եք, ձեր վճարած սոցիալական ապահովության հարկերից յուրաքանչյուր մեկ դոլարի 85 ցենտը ուղղվում է հավատարմագրային կառավարչի հիմնադրամ, որից վճարվում են ներկայիս կենսաթոշակառուների ու նրանց ընտանիքների, ինչպես նաև մահացած աշխատողների ամուսինների և երեխաների ամսական նպաստները: Մյուս 15 ցենտը գնում է հավատարմագրային կառավարչի հիմնադրամ, որից վճարվում են հաշմանդամների ու նրանց ընտանիքների նպաստները:

Այս հավատարմագրային կառավարչի հիմնադրամներից սոցիալական ապահովությունը վճարում է նաև սոցիալական ապահովության ծրագրերի կառավարման ծախսերը: Սոցիալական ապահովության վարչությունը հանդիսանում է դաշնային կառավարության ամենաարդյունավետ գործակալություններից մեկը և մենք ամեն օր աշխատում ենք այն ավելի լավ դարձնելու վրա: Սոցիալական ապահովության հարկերի ձեր վճարած յուրաքանչյուր մեկ դոլարից՝ ծրագրի կառավարման նպատակով, մենք ծախսում ենք մեկ ցենտից քիչ գումար:

Medicare-ի համար ձեր վճարած հարկերի ողջ գումարը ուղղվում է հավատարմագրային կառավարչի հիմնադրամ, որից վճարվում են Medicare-ի բոլոր շահառուների հիվանդանոցային և դրան առնչվող ինսամքի որոշ ծախսերը: Medicare-ը կառավարվում է ոչ թե սոցիալական ապահովության վարչության, այլ Medicare և Medicaid Ծառայությունների Կենտրոնների (Centers for Medicare & Medicaid Services) կողմից:

Ի՞նչ պետք է իմանալ սոցիալական ապահովության մասին, երբ աշխատում եք

## Սոցիալական ապահովության համարանիշը

Սոցիալական ապահովության ձեր համարանիշը ձեր կապն է սոցիալական ապահովության հետ: Այն ձեզ անհրաժեշտ է աշխատանքի ընդունվելու և հարկեր վճարելու համար: Սոցիալական ապահովության ձեր համարանիշը թույլ է տալիս մեզ հետևել ձեր եկամուտներին՝ քանի դեռ դուք աշխատում եք և ձեր նպաստներին՝ սոցիալական ապահովություն նշանակվելուց հետո:

Մի՛ կրեք ձեզ հետ ձեր սոցիալական ապահովության քարտը: Պետք է շատ զգույշ լինեք որևէ մեկին ձեր սոցիալական ապահովության համարանիշի տրամադրման հարցում: Այսօր ինքնության գողությունն ամենաարագ աճող հանցագործություններից մեկն է: Ինքնության գողերը, հիմնականում, օգտագործում են ձեր սոցիալական ապահովության համարանիշը և բարի համբավը՝ ձեր իսկ անունից ավելի մեծ վարկի համար դիմելու նպատակով: Այնուհետև, նրանք օգտագործում են վարկային քարտերը և չեն վճարում հաշիվները:

Ձեր սոցիալական ապահովության համարանիշն ու մեր հաշվառումները գաղտնի են: Եթե որևէ մեկը դիմում է մեզ ձեր մասին տեղեկատվություն ստանալու համար, ապա մենք առանց ձեր գրավոր համաձայնության որևէ տեղեկություն չենք կարող տրամադրել բացառությամբ օրենքով սահմանված և թույլատրված դեպքերի:

Դիմեք մեզ, եթե ձեզ անհրաժեշտ է ստանալ սոցիալական ապահովության համարանիշ՝ եթե կորցրել եք ձեր քարտն ու նորի կարիքն ունեք կամ եթե պետք է փոխեք ձեր անունը ներկայիս քարտի վրա: Խնդրում ենք ձեզ լրացնել մեր պարզ դիմումի ձևը և ներկայացնել որոշ փաստաթղթեր: Մեզ անհրաժեշտ են փաստաթղթերի

բնօրինակները կամ դրանք տրամադրող գրասենյակի կողմից վավերացված կրկնօրինակները: Մենք չենք կարող ընդունել փաստաթղթերի լուսապատճենները կամ նոտարական հաստատումով կրկնօրինակները:

Սոցիալական ապահովության համարանիշ ստանալու կամ քարտը փոխարինելու համար դուք պետք է հաստատեք ձեր ԱՄՆ քաղաքացիությունը կամ ներգաղթյալի կարգավիճակը, տարիքն ու ինքնությունը: Քարտը փոխարինելու համար ձեր ԱՄՆ քաղաքացիության ու տարիքի ապացույցներ չեն պահանջվի, եթե այդ տվյալներն արդեն առկա են մեր գրառումներում: Որպես ԱՄՆ քաղաքացիության ապացույց մենք ընդունում ենք միայն որոշակի փաստաթղթեր: Դրանց թվում են ձեր ԱՄՆ ծննդյան վկայականը, ԱՄՆ անձնագիրը, Հպատակագրման վկայականը կամ Քաղաքացիության վկայականը: Եթե ԱՄՆ քաղաքացի չեք, ապա մեզ անհրաժեշտ է աշխատանքային թույլտվությունը հավաստող ձեր ներգաղթյալի մասին փաստաթուղթը: Եթե չունեք աշխատանքի թույլտվություն, ապա կիրառվում են այլ կանոններ:

Որպես ինքության ապացույց, մենք ընդունում ենք ուժի մեջ գտնվող փաստաթղթեր, որտեղ նշված կլինեն ձեր անունը, ինքնությունը հավաստող տեղեկություններ և, գերադասելի է թարմ լուսանկար, օրինակ, ինչպես վարորդական վկայականի կամ նահանգի կողմից տրված ինքնությունը հաստատող որևէ այլ քարտի, կամ ԱՄՆ անձնագրի վրա:

Սոցիալական ապահովության քարտում նշված ձեր անվան փոփոխության համար դիմելիս պետք է ներկայացնեք վերջերս թողարկված փաստաթուղթ, որն ապացուցում է ձեր անվան փոփոխությունը օրինական հիմունքներով:

Սոցիալական ապահովության ձեր քարտին վերաբերվեք ինսամբով և ուշադրությամբ: Փոխարինող քարտ ստանալու հնարավորությունը սահմանափակվում է մինչև երեք անգամը՝ մեկ տարվա ընթացքում և մինչև 10 անգամը՝ ողջ կյանքի ընթացքում: Սույն սահմանափակումները չեն

տարածվում անվան օրինական փոփոխությունների և այլ բացառությունների վրա: Օրինակ, ոչ-քաղաքացու կարգավիճակի փոփոխությունները, որոնք պահանջում են քարտի թարմացում, չեն կարող ներառվել նշված սահմանափակումների մեջ: Այդ սահմանափակումները չեն կիրառվում, եթե կարող եք ապացուցել, որ քարտը ձեզ անհրաժեշտ է էական դժվարությունները կանխարգելելու համար:

Լրացուցիչ տեղեկատվության համար կարդացեք *Ձեր Սոցիալական Ապահովության Համարանիշն ու Քարտը հրապարակումը* (Հրատարակություն թիվ 05-10002)(Publication No. 05-10002). Եթե դուք քաղաքացի չեք, ապա կարող եք կարդալ *Սոցիալական ապահովության համարանիշներն ոչ քաղաքացիների համար* (Հրատարակություն թիվ 05-10096).

Քարտի հետ կապված մեր բոլոր ծառայություններն անվճար են: Սոցիալական ապահովությունը երբեք որևէ վճար չի գանձում մեր կողմից տրամադրվող քարտային ծառայությունների համար:

### **Ինչպե՞ս ստանալ սոցիալական ապահովության իրավունքը**

Աշխատելով ու հարկեր վճարելով՝ դուք վաստակում եք սոցիալական ապահովության «միավորներ» (կրեդիտներ): 2017 թվականին ձեր վաստակած յուրաքանչյուր 1300 ԱՄՆ դոլարի դիմաց դուք ստանում եք սոցիալական ապահովության մեկ միավոր, իսկ տարեկան առավելագույն միավորների քանակը չորսն է: Մեկ միավոր վաստակելու համար անհրաժեշտ գումարի չափը սովորաբար աճում է ամեն տարի:

Նպաստ ստանալու իրավունք ունենալու համար մարդկանց մեծ մասին անհրաժեշտ է 40 միավոր (10 տարվա աշխատանքային փորձ): Երիտասարդներին անհրաժեշտ է ավելի քիչ միավոր՝ հաշմանդամության նպաստի իրավունք ստանալու համար, կամ մահացած աշխատողի ընտանիքի

անդամներին՝ կերակրողին կորցնելու դեպքում նպաստի իրավունք ունենալու համար:

### **Ինչ պետք է իմանալ նպաստների մասին**

Սոցիալական ապահովության նպաստները կենսաթոշակի անցնելու, հաշմանդամության կամ մահվան դեպքում փոխարինում են ձեր եկամտի միայն որոշ մասը: Մենք կենսաթոշակային վճարումների հաշվառումը հիմնում ենք աշխատանքային գործունեության ընթացքում վաստակած եկամուտների հաշվարկի վրա: Վաստակած բարձր եկամուտները ապահովում են բարձր վճարումներ: Եթե եղել են տարիներ, որ չեք աշխատել կամ ունեցել եք նվազ եկամուտներ, ապա ձեր պետական նպաստի գումարները կարող են ցածր լինել, քան մշտապես աշխատելու պարագայում:

### **Կենսաթոշակ**

Կենսաթոշակի անցնելու ժամանակի ընտրությունը ձեր կյանքում կայացնվող ամենակարևոր որոշումներից մեկն է: Եթե որոշեք կենսաթոշակի անցնել ձեր կենսաթոշակային լրիվ տարիքը լրանալուց հետո, ապա կստանաք նպաստների լրիվ գումարը: Մենք կկրճատենք ձեր նպաստի գումարը, եթե կենսաթոշակի անցնեք մինչև կենսաթոշակային լրիվ տարիքը լրանալը:

### **Լրիվ կենսաթոշակի անցնելու տարիքը**

Եթե ծնվել եք 1943 թ.-ից մինչև 1960 թվականը, ապա լրիվ կենսաթոշակի անցնելու իրավունք եք ձեռք բերում աստիճանաբար՝ 67 տարեկան հասակում: Եթե ծնվել եք 1950 թ.-ին կամ ավելի վաղ, ապա 2017 թվականին արդեն իրավունք կունենաք ստանալ սոցիալական ապահովության լրիվ կենսաթոշակ: Հետևյալ աղյուսակի օգնությամբ կարող եք պարզել լրիվ կենսաթոշակի անցնելու ձեր տարիքը:

| Ծննդյան տարի | Լրիվ կենսաթոշակի անցնելու տարիքը |
|--------------|----------------------------------|
| 1943-1954    | 66                               |
| 1955         | 66 տարեկան և 2 ամսական           |
| 1956         | 66 տարեկան և 4 ամսական           |
| 1957         | 66 տարեկան և 6 ամսական           |
| 1958         | 66 տարեկան և 8 ամսական           |
| 1959         | 66 տարեկան և 10 ամսական          |
| 1960 և հետո  | 67                               |

**ՆՇՈՒՄ.** Թեև լրիվ կենսաթոշակի անցնելու տարիքն աճում է, նպաստ ստանալու համար դուք պետք է դիմեք Medicare-ին՝ ձեր 65-րդ տարին լրանալուց դեռ երեք ամիս առաջ: Եթե ուշ դիմեք, ապա ձեր Medicare բժշկական ապահովագրության (Մաս B) և դեղատոմսով տրվող դեղերի ապահովագրության (Մաս D) համար ավելի շատ գումար կարող է պահանջվել:

**Հետաձգված կենսաթոշակառություն**

Եթե որոշել եք հետաձգել նպաստների ստացումը մինչև լրիվ կենսաթոշակային տարիքը լրանալը, ապա մենք կբարձրացնենք ձեր նպաստը որոշակի տոկոսով՝ կախված ձեր ծննդյան տարեթվից: Հավելավճարը յուրաքանչյուր ամիս ավտոմատ կգումարվի ստացվող նպաստներին՝ մինչև ձեր լրիվ կենսաթոշակի անցնելու տարիքը լրանալը կամ մինչև ձեր 70 տարին լրանալը՝ հիմք ընդունելով այս իրադարձություններից առաջինը: Հետաձգված կենսաթոշակային միավորների մասին մանրամասն տեղեկատվության համար այցելեք [www.socialsecurity.gov/planners/retire/delayret.html](http://www.socialsecurity.gov/planners/retire/delayret.html) կայքէջը:

**Վաղ կենսաթոշակառություն**

Դուք կարող եք նպաստներ ստանալ 62 տարեկանից սկսած: Վաղ սկսելու դեպքում մենք կնվազեցնենք ձեր նպաստը մոտ մեկ

տոկոսի կեսի չափով՝ յուրաքանչյուր ամսվա համար, սկսած նպաստները ստանալու պահից մինչև լրիվ կենսաթոշակային տարիքը լրանալը: Օրինակ, եթե ձեր լրիվ կենսաթոշակային տարիքը 66 և երկու ամիս է և դուք դիմել եք սոցիալական ապահովություն ստանալու համար 62 տարեկանից, ապա կստանաք լրիվ նպաստի միայն 74.2 տոկոսը:

**ՆՇՈՒՄ.** Հետագա տարիներին կրճատման սահմանաչափը ավելի մեծ կլինի, քանի որ լրիվ կենսաթոշակային տարիքը բարձրանում է:

**Եթե աշխատում և նպաստներ եք ստանում**

Դուք կարող եք շարունակել աշխատել և, միաժամանակ, ստանալ կենսաթոշակային նպաստներ: Ձեր եկամուտները լրիվ կենսաթոշակային տարիքին հասնելու ամսին (կամ դրանից հետո) չեն կրճատի սոցիալական ապահովության նպաստների վճարումները: Իրականում, լրիվ կենսաթոշակային տարիքից հետո աշխատելը կարող է ավելացնել ձեր նպաստները: Մենք, սակայն, կկրճատենք ձեր նպաստները, եթե լրիվ կենսաթոշակային տարիքի հասնելու պահից ամիսներ առաջ ձեր եկամուտները գերազանցեն որոշակի սահմանաչափը:

Եթե աշխատում եք, սակայն սկսում եք նպաստներ ստանալ նախքան լրիվ կենսաթոշակային տարիքին հասնելը, ապա ձեր վաստակած տարեկան սահմանաչափը գերազանցող յուրաքանչյուր 2 ԱՄՆ դոլարի դիմաց ձեր նպաստները կկրճատվեն 1 ԱՄՆ դոլարով: 2017թվականին այդ սահմանաչափը կազմում է 16 920 ԱՄՆ դոլար:

Լրիվ կենսաթոշակի անցնելու տարիքը լրանալու տարում մենք կնվազեցնենք ձեր նպաստները 1 ԱՄՆ դոլարով յուրաքանչյուր 3 ԱՄՆ դոլարի դիմաց, որը դուք կվաստակեք տարեկան մեկ այլ սահմանաչափը գերազանցելու դեպքում (2017թվականին՝ 44,880 ԱՄՆ դոլար)՝ մինչև ձեր լրիվ կենսաթոշակային տարիքը լրանալու ամիսը:



Լրիվ կենսաթոշակի անցնելու ձեր տարիքը լրանալիս կարող եք շարունակել աշխատել և մենք չենք կրճատի ձեր սոցիալական ապահովության նպաստը՝ անկախ նրանից, թե որքան եք վաստակում:

Նպաստների վրա աշխատանքի ազդեցության վերաբերյալ լրացուցիչ տեղեկատվություն ստանալու համար կարդացեք *Ինչպես է աշխատանքը ազդում նպաստների վրա հրապարակումը* (Հրատարակություն թիվ 05-10069) (Publication No. 05-10069).

**ՆՇՈՒՄ.** Այն անձանց նկատմամբ, ովքեր աշխատում և ստանում են հաշմանդամության կամ ապահովության եկամուտների վճարումներ (SSI) վճարումներ, կիրառվում են եկամուտներին վերաբերող այլ կանոններ: Նրանք պետք է սոցիալական ապահովությանն անմիջապես տեղեկացնեն իրենց ողջ եկամուտների մասին՝ անկախ իրենց կողմից վաստակած գումարի չափից:

## Կենսաթոշակ այրիների և կողակիցների համար

Եթե ստանում եք այրիների և կողակիցների նպաստներ, ապա կարող եք ձեր սեփական կենսաթոշակային նպաստներին անցնել 62 տարեկանից, այն պայմանով, որ ձեր կենսաթոշակային նպաստի չափն ավելի մեծ է, քան այն գումարը, որը ստանում եք ձեր մահացած ամուսնու (կնոջ) եկամուտների հիմքով: Հաճախ կարող եք սկսել ստանալ մի տեսակի նպաստը նվազեցված դրույքաչափով և այնուհետև՝ լրիվ կենսաթոշակային տարիքին հասնելիս, անցնել մյուս նպաստին՝ լրիվ դրույքաչափով: Կանոնները բարդ են և կարող են փոփոխվել՝ կախված ձեր կարգավիճակից, այնպես որ, ձեզ համար հասանելի տարբերակների մասին խոսե՛ք սոցիալական ապահովության ներկայացուցչի հետ:

Կենսաթոշակային նպաստների վերաբերյալ լրացուցիչ տեղեկատվություն ստանալու համար կարդացեք *Կենսաթոշակային*

*նպաստներ հրապարակումը* (Հրատարակություն թիվ 05-10035)(Publication No. 05-10035).

## Հաշմանդամության նպաստներ

Եթե ֆիզիկական կամ մտավոր խնդիրներ ունեք, որի պատճառով չեք կարող աշխատել, ինչը ակնկալվում է շարունակվել առնվազն մեկ տարի կամ կարող է հանգեցնել մահվան, ապա սոցիալական ապահովության հաշմանդամության նպաստներ ստանալու իրավունք կարող եք ձեռք բերել:

Հաշմանդամությանը առնչվող մեր կանոնները տարբերվում են մասնավոր կամ այլ պետական գործակալությունների կողմից իրականացվող ծրագրերի կանոններից: Մեկ այլ գործակալության կամ ծրագրի շրջանակներում հաշմանդամության իրավունություն ունենալը դեռևս չի նշանակում, որ մեզ մոտ նույնպես իրավասու կլինեք հաշմանդամության նպաստ ստանալու համար: Ձեր հաշմանդամության մասին վկայող բժիշկի տեղեկանքի առկայությունը դեռ չի նշանակում, որ ինքնաբերաբար կստանաք սոցիալական ապահովության հաշմանդամության նպաստների իրավունք: Սոցիալական ապահովության հաշմանդամության նպաստների վերաբերյալ լրացուցիչ տեղեկատվություն ստանալու համար կարդացեք *Հաշմանդամության նպաստներ հրապարակումը* (Հրատարակություն թիվ 05-10029) (Publication No. 05-10029). Սոցիալական ապահովության հաշմանդամության նպաստների համար կարող եք այցելել մեր **[www.socialsecurity.gov/disabilityssi](http://www.socialsecurity.gov/disabilityssi)** կայքէջը

Անձինք, ներառյալ երեխաները, ովքեր ունեն ցածր եկամուտ և սակավ միջոցներ և հաշմանդամություն, կարող են ձեռք բերել հաշմանդամության նպաստների իրավունք լրացուցիչ ապահովության եկամուտների վճարումներ (SSI) ծրագրի շրջանակներում: SSI-ի վերաբերյալ լրացուցիչ տեղեկատվություն ստանալու համար կարդացեք *Լրացուցիչ ապահովության*

Եկամուտների վճարումներ (SSI)  
հրապարակումը (Հրատարակություն թիվ 05-11000)(Publication No. 05-11000).

Հաշմանդամ դառնալու դեպքում  
հնարավորինս արագ դիմեք  
հաշմանդամության նպաստներ ստանալու  
համար, քանի որ հաշմանդամության  
հայցը վարելու համար, սովորաբար, մի  
քանի ամիս է պահանջվում: Հնարավոր  
է, որ մենք կարողանանք արագացնել ձեր  
հայցի ընթացքը, եթե դիմելիս ներկայացնեք  
հետևյալ փաստաթղթերը.

- Ձեր բժիշկների, թերապևտների,  
հիվանդանոցների, կլինիկաների և  
սոցիալական աշխատողների կողմից  
տրված բժշկական արձանագրություններն  
ու բուժման ամսաթվերը,
- Լաբորատոր և այլ հետազոտությունների  
ձեր արդյունքները,
- Ձեր բժիշկների, կլինիկաների և  
հիվանդանոցների անունները, հասցեները,  
հեռախոսի ու ֆաքսի համարները,
- Ձեր կողմից ընդունվող բոլոր  
դեղամիջոցների անվանումները, և
- Վերջին 15 տարվա ձեր գործատուների  
անուններն ու աշխատանքային  
պարտականությունների  
նկարագրությունը:

### **Ձեր նպաստները կարող են հարկվել**

Որոշ անձինք, ովքեր ստանում են  
սոցիալական ապահովություն, պետք է իրենց  
նպաստներից հարկեր վճարեն: Մեր ներկայիս  
շահառուների գրեթե 40 տոկոսը իրենց  
նպաստներից հարկեր են վճարում:

Եթե դուք, որպես «անհատ», դաշնային  
հարկային ծառայությանը հայտարարագիր  
եք ներկայացրել և ձեր միասնական  
եկամուտը\* կազմել է 25 000 ԱՄՆ դոլարից  
ավելի գումար, ապա, հնարավոր  
է, որ ստիպված լինեք սոցիալական  
ապահովության ձեր նպաստներից հարկեր  
վճարել: Եթե դուք համատեղ հայտարարագիր  
եք ներկայացնում, ապա, հնարավոր  
է, որ ստիպված լինեք սոցիալական

ապահովության ձեր նպաստներից հարկեր  
վճարել՝ եթե ձեր և ձեր կնոջ/ամուսնու  
միասնական եկամուտը գերազանցում  
է 32 000 ԱՄՆ դոլար: Լրացուցիչ  
տեղեկությունների համար զանգահարեք  
հարկային ծառայության անվճար  
**1-800-829-3676** հեռախոսահամարով:

### **Նպաստներ Ձեր ընտանիքի համար**

Երբ սկսում եք սոցիալական ապահովության  
կենսաթոշակային կամ հաշմանդամության  
նպաստներ ստանալ, ձեր ընտանիքի  
մյուս անդամներն ևս կարող են վճարներ  
ստանալու իրավունք ունենալ: Օրինակ,  
նպաստներ կարող են վճարվել ձեր  
ամուսնուն կամ կնոջը՝

- Եթե լրացել է նրա 62 տարին, կամ
- Ցանկացած տարիքում, եթե նրա խնամքի  
տակ է ձեր երեխան (երեխայի 16 տարին  
չպետք է լրացած լինի կամ նա հաշմանդամ  
է և իրավասու է ձեր հաշվառման  
փաստաթղթերով սոցիալական  
ապահովության նպաստներ ստանալ):

Նպաստներ կարող են նաև վճարվել ձեր  
չամուսնացած երեխաներին, եթե

- նրանց 18 տարին չի լրացել,
- նրանք 18-ից 19 տարեկան են, սակայն  
ցերեկային դպրոցի տարրական կամ  
միջնակարգ դասարանների աշակերտներ  
են, կամ
- նրանց 18 տարին լրացել է և հաշմանդամ  
են (հաշմանդամ են դարձել մինչև 22  
տարեկան լրանալը):

Եթե նպաստներ ստանալուց հետո դառնում  
եք երեխայի (այդ թվում որդեգրած երեխայի)  
ծնող, ապա խնդրում ենք տեղյակ պահել մեզ  
այդ մասին, որպեսզի կարողանանք որոշել,  
թե արդյո՞ք երեխան նպաստ ստանալու  
իրավունք ունի:



## **Որքա՞ն կարող են ստանալ ընտանիքի անդամները**

Ընտանիքի յուրաքանչյուր անդամ կարող է ամսական նպաստ ստանալու իրավասություն ունենալ, որը կկազմի Ձեր կենսաթոշակային կամ հաշմանդամության նպաստի գումարի կեսը: Այնուամենայնիվ, գոյություն ունի ձեզ և ձեր ընտանիքի անդամներին վճարվող ընդհանուր գումարի որոշակի սահմանաչափ: Այդ սահմանաչափը կարող է տարբեր լինել, սակայն, որպես կանոն, հավասար է ձեր կենսաթոշակային կամ հաշմանդամության նպաստի մոտ 150-ից 180 տոկոսին:

### **Եթե ամուսնալուծված եք**

Եթե ամուսնալուծված եք, ապա ձեր նախկին կինը/ամուսինը կարող է ձեր եկամուտներից նպաստ ստանալու իրավունք ունենալ: Որոշ դեպքերում նա կարող է նպաստներ ստանալ, եթե նույնիսկ դուք դրանք չեք ստանում: Ամուսնալուծված կինը/ամուսինը իրավասություն ունենալու համար պետք է

- Ամուսնացած լինի առնվազն 10 տարի,
- Ամուսնալուծված լինի առնվազն երկու տարի այն դեպքում, երբ դուք դեռ չեք դիմել նպաստ ստանալու համար,
- Լինի առնվազն 62 տարեկան,
- Ամուսնացած չլինի, և
- Կախված հանգամանքներից՝ չունենա իր սեփական աշխատանքի հաշվառման հիմքով նպաստի իրավասություն, որը հավասար կամ ավելի բարձր կլինի ձեր հաշվառման հիմքով ստացված լրիվ գումարի կեսին:

### **Կերակրողին կորցրած անձանց նպաստներ**

Ձեր մահվան դեպքում՝ ձեր ընտանիքը կարող է նպաստ ստանալու իրավունք ունենալ, ձեր աշխատանքի հիման վրա:

Նպաստ ստանալու իրավասու ընտանիքի անդամների թվում է այրին կամ կողակիցը, որի

- 60 տարին լրացել է,
- 50 տարին լրացել է և նա հաշմանդամ է, կամ
- Ցանկացած տարիքում է, եթե նրա խնամքի տակ է ձեր 16 տարին չլրացած կամ հաշմանդամ երեխան և, որն իրավունք ունի ձեր հաշվառման փաստաթղթերով սոցիալական ապահովության նպաստ ստանալ:

Ձեր երեխաները նույնպես կարող են ստանալ նպաստ, եթե նրանք ամուսնացած չեն և

- Նրանց 18 տարին չի լրացել, կամ
- Նրանք 18-ից 19 տարեկան են, սակայն ցերեկային դպրոցի տարրական կամ միջնակարգ դասարանների աշակերտներ են, կամ
- Նրանց 18 տարին լրացել է և հաշմանդամ են (հաշմանդամ են դարձել մինչև 22 տարեկան լրանալը):

Բացի այդ, ձեր ծնողները կարող են նպաստ ստանալ ձեր եկամուտներից՝ եթե նրանք ձեր խնամակալության տակ են և ստանում են իրենց անհրաժեշտ աջակցության առնվազն կեսը:

### **Մահվան միանվագ վճար**

Եթե բավարար քանակությամբ միավորներ ունեք, ապա ձեր մահվանից հետո կարող է նաև 255 ԱՄՆ դոլարի չափով վճարում կատարվել: Այս նպաստը կարող է վճարվել ձեր ամուսնուն (կողակցին) կամ անչափահաս երեխաներին, եթե նրանք համապատասխանում են որոշակի պահանջների:

### **Եթե ամուսնալուծված այրի կամ կողակից եք**

Եթե ամուսնալուծված եք, նա պետք է

- Լինի առնվազն 60 տարեկան (կամ 50՝ հաշմանդամ լինելու դեպքում) և ձեզ հետ ամուսնացած լինի առնվազն 10 տարի, կամ

- Լինի ցանկացած տարիքի, եթե խնամում է երեխայի, որն ունի սոցիալական ապահովության նպաստ ստանալու իրավունք ձեր վաստակած եկամուտների հաշվին, և
- Չունի իր սեփական աշխատանքի հաշվառման հիմքով նպաստի իրավասություն, որը հավասար կամ ավելի բարձր է ձեր հաշվառման փաստաթղթերով լրիվ ապահովագրավճարի գումարից, և
- Ամուսնացած չէ՝ բացառությամբ այն դեպքի, եթե 60 տարեկանից, իսկ հաշմանդամության դեպքում՝ 50 տարեկանից հետո կրկին չի ամուսնացել:

Նախկին կնոջը/ամուսնուն վճարվելիք նպաստը որևէ ազդեցություն չի ունենա այն նպաստի դրույքաչափի վրա, որը կստանան ձեր մյուս ժառանգները՝ ձեր եկամուտների հաշվառման ներքո:

**ՆՇՈՒՄ.** Ձեր մահվան դեպքում, եթե ձեր նախկին կինը/ամուսինը 60 տարեկանից հետո կրկին ամուսնանա, ապա նա կարող է սոցիալական ապահովության նպաստի իրավասություն ունենալ ինչպես ձեր, այնպես էլ իր նոր կնոջ/ամուսնու աշխատանքի հաշվառման հաշվին այն գումարի չափով, որն ավելի բարձր է:

### Որքա՞ն կստանան ձեր ժառանգները

Ձեր ժառանգները կստանան հիմնական սոցիալական ապահովության ձեր նպաստի որոշակի տոկոսավճարներ. սովորաբար, այն յուրաքանչյուրի համար 75-ից 100 տոկոսի սահմաններում է: Այնուամենայնիվ, գոյություն ունի ընտանիքին վճարվող ամենամյա գումարի որոշակի սահմանաչափ: Այդ սահմանաչափը կարող է տարբեր լինել, սակայն, որպես կանոն, այն հավասար է ձեր նպաստի դրույքաչափի մոտ 150-ից 180 տոկոսին:

### Ե՞րբ պատրաստ լինել նպաստի դիմելու համար

Նպաստներ ստանալու համար դիմեք մոտ երեք ամիս առաջ՝ մինչ կցանկանայիք ձեր նպաստների վճարումները սկսվեն: Եթե պատրաստ չեք թոշակի անցնել, սակայն մտածում եք դրա մասին մոտ ապագայում, ապա այցելեք մեր [www.socialsecurity.gov/retire](http://www.socialsecurity.gov/retire) կայքը, որը կօգնի ձեզ կենսաթոշակի պլանավորման հարմարավետ տեղեկատվական խորհրդատվությամբ: Հաշմանդամության կամ կերակրողին կորցրած անձանց նպաստների համար պետք է դիմել իրավասությունը ստանալուն պես:

Դուք կարող եք դիմել նպաստների համար մեր կայքէջից՝

[www.socialsecurity.gov/applyforbenefits](http://www.socialsecurity.gov/applyforbenefits):

Կարող եք ստանալ ձեր սոցիալական ապահովության եկամուտների հաշվառման հիման վրա գնահատված նպաստների դյուրին և արագ նախահաշիվը՝

[www.socialsecurity.gov/estimator](http://www.socialsecurity.gov/estimator) կայքէջից:

Նպաստների չափ մասին ավելի մանրամասն հաշվարկներ կարող եք ստանալ [www.socialsecurity.gov/planners](http://www.socialsecurity.gov/planners) կայքէջից:

### Ի՞նչ է ձեզ անհրաժեշտ դիմելու համար

Նպաստների դիմելիս մենք կխնդրենք ձեզ ներկայացնել որոշակի փաստաթղթեր: Փաստաթղթերի անհրաժեշտությունը կախված է ձեր հայցած նպաստի տեսակից: Փաստաթղթերի ներկայացումը սեղմ ժամկետներում կօգնի, որպեսզի ձեր նպաստներն ավելի արագ վճարվեն: Դուք պետք է ներկայացնեք փաստաթղթերի բնօրինակները կամ դրանք տրամադրող գրասենյակի կողմից վավերացված կրկնօրինակները. մենք չենք կարող ընդունել փաստաթղթերի լուսապատճենները:

Մի՛ հետաձգեք դիմումի ներկայացումը փաստաթղթերի ամբողջական փաթեթ չունենալու պատճառով: Մենք կօգնենք Ձեզ դրանք ձեռք բերելու գործում:

Սոցիալական ապահովությանը բաժանորդագրվելու համար որոշ անհրաժեշտ փաստաթղթերի թվում են՝

- սոցիալական ապահովության ձեռքարկը (կամ սոցիալական ապահովության ձեռքարկի համարանիշը),
- Ձեր ծննդյան վկայականը,
- Ձեր երեխաների ծննդյան վկայականները և սոցիալական ապահովության համարանիշները (եթե դուք եք դիմում նրանց փոխարեն),
- ԱՄՆ քաղաքացիության կամ օրինական ներգաղթյալի կարգավիճակի վկայագիրը, եթե դուք (կամ ձեր երեխան) ԱՄՆ-ում չեք ծնվել,
- Ձեր կնոջ/ամուսնու ծննդյան վկայականն ու սոցիալական ապահովության համարանիշը, եթե նա դիմում է ձեր եկամուտների հիման վրա նպաստ ստանալու համար,
- Ձեր ամուսնության վկայականը (եթե դիմում եք ձեր կնոջ/ամուսնու եկամուտների հիման վրա նպաստ ստանալու համար),
- Ձեր զորացրման փաստաթղթերը, եթե գինվորական ծառայություն եք անցել, և
- W-2 ձևաթուղթը կամ վերջին մեկ տարվա ինքնագրավածության դաշնային հարկային հայտարարագիրը:

Մենք ձեզ կտեղեկացնենք, եթե դիմելիս անհրաժեշտ լինի այլ փաստաթղթեր ներկայացնել:

## Ինչպե՞ս ենք մենք նպաստներ վճարում

Սոցիալական ապահովության վճարները դուք կստանաք էլեկտրոնային եղանակով: Ձեր նպաստը ստանալու եղանակներից մեկը, որը կարող եք ընտրել՝ ֆինանսական որևէ հաստատությունում ուղիղ ավանդադրումն է ձեր հաշվին: Ուղիղ ավանդադրումը ձեր վճարները ստանալու պարզ և ապահով տարբերակ է: Դիմելիս անպայման վերցրեք ձեր չեկային գրքույկը կամ քաղվածք հաշվեհամարից: Մեզ անհրաժեշտ են այդ

տվյալները, ինչպես նաև ձեր ֆինանսական հաստատության ABA կոդը, որպեսզի վստահ լինենք, որ ձեր նպաստի ամսավճարները ճիշտ հաշվեհամարի է ուղարկվում:

Եթե չունեք հաշվեհամար ֆինանսական որևէ հաստատությունում կամ գերադասում եք ձեր նպաստները ստանալ կանխավճարային դեբետային քարտի վրա, ապա կարող եք գրանցվել Direct Express® քարտային ծրագրում: Direct Express®-ով վճարումներն կատարվում են անմիջապես ձեր քարտի հաշվեհամարին: Վճարման մեկ այլ տարբերակ ևս, որը կարող եք դիտարկել, փոխանցումներն են ձեր էլեկտրոնային հաշվին: Այս մատչելի, դաշնային մակարդակով ապահովագրված հաշիվը թույլ է տալիս վայելել ավտոմատ վճարումների անվտանգությունը և հարմարավետությունը:

## Լրացուցիչ ապահովության եկամուտի (SSI) ծրագիրը

Եթե ստանում եք սոցիալական ապահովության նպաստ, սակայն ձեր եկամուտները և միջոցները սահմանափակ են (ձեր գույքը), ապա SSI-ը կարող է օգնել ձեզ: SSI-ի ֆինանսավորվումը իրականացվում է բյուջեի ընդհանուր եկամուտների և ոչ սոցիալական ապահովության հարկերի հաշվին:

SSI-ը ամսական վճարումներ է կատարում 65 տարին լրացած անձանց՝ որոնք կույր կամ հաշմանդամ են: SSI-ի իրավասությունը որոշելիս՝ մենք հաշվի չենք առնում ձեր որոշակի եկամուտները և միջոցները: Օրինակ՝ ձեր տունը կամ մեքենան, սովորաբար հաշվի չեն առնվում որպես միջոցներ:

SSI ծրագրին դիմելու համար դուք կարող եք սկսել գործընթացը և որոշ դեպքերում ամբողջովին կամ մասամբ լրացնել Ձեր հայտը՝ այցելելով մեր **[www.socialsecurity.gov/applyforbenefits](http://www.socialsecurity.gov/applyforbenefits)** կայքէջը: Դուք նաև կարող եք զանգահարել մեզ **1-800-772-1213** անվճար հեռախոսահամարով՝ տեղամասային

սոցիալական ապահովության ձեռք բերելու համար:

### Բողոքարկման իրավունք

Եթե դուք համաձայն չեք ձեր հայցադիմումի հիման վրա ընդունված որոշմանը, ապա կարող եք բողոքարկել այն: Ձեր հնարավոր քայլերի մասին ավելի մանրամասն տեղեկանալու համար ծանոթացեք *Բողոքարկման գործընթաց հրապարակմանը* (Հրատարակություն No. 05-10041) (Publication No. 05-10041):

Դուք կարող եք ինքներդ բողոք ներկայացնել՝ ստանալով անվճար օգնություն սոցիալական ապահովությունից կամ կարող եք ընտրել ներկայացուցիչ՝ ձեզ շահերը ներկայացնելու համար: Մենք տեղեկություններ կտրամադրենք այն կազմակերպությունների մասին, որոնք կարող են օգնել ձեզ ներկայացուցիչ գտնել: *Ներկայացուցչի ընտրության վերաբերյալ լրացուցիչ տեղեկությունների համար ծանոթացեք Ներկայացուցչության ձեռնարկին* (Հրատարակություն No. 05-10075) (Publication No. 05-10075):

### Առցանց « իմ սոցիալական ապահովության» հաշվեհամարը

Այժմ առցանց հեշտությամբ կարող եք ստեղծել իմ սոցիալական ապահովության ապահով հաշիվը՝ մուտք գործելով սոցիալական ապահովության հայտարարագրին ստուգելով ձեր եկամուտները և ստանալով ձեր նպաստների մասին նախահաշիվը: Դուք առցանց կարող եք նաև օգտագործել իմ սոցիալական ապահովության հաշվեհամարը՝ սոցիալական ապահովության քարտի փոխարինման հայտ ներկայացնելու համար (առկա է որոշ նահանգներում և Կոլումբիայի օկրուգում): Եթե ներկայումս ստանում եք նպաստներ, ապա կարող եք նաև

- ստանալ նպաստը հաստատող փաստաթուղթը,
- փոխել ձեր հասցեն և հեռախոսահամարը,
- Medicare քարտի փոխարինման հայտ ներկայացնել,
- Պահանջել փոխարինել SSA-1099 կամ SSA-1042S հարկային ժամանակահատվածում, կամ
- Բացել կամ փոխել ձեր ուղիղ ավանդային հաշիվը:

Նաև կարող եք ստեղծել իմ սոցիալական ապահովության հաշվեհամարը , եթե լրացել է ձեր 18 տարին, ունեք սոցիալական ապահովության համարանիշ, ԱՄՆ գործող փոստային և էլեկտրոնային փոստի հասցեներ: Թեև ստեղծելու համար այցելեք [www.socialsecurity.gov/myaccount](http://www.socialsecurity.gov/myaccount) կայքէջը: Ինքնությունը հաստատելու համար ձեզ անհրաժեշտ կլինի որոշ անձնական տեղեկություններ հայտնել. ձեզ կառաջարկվի ընտրել օգտատիրոջ անուն և գաղտնաբառ:

### Medicare

Medicare մեր երկրի հիմնական առողջապահական ապահովագրության ծրագիրն է 65 տարին լրացած, ինչպես նաև հաշմանդամություն ունեցող շատ անձանց համար:

Մի՛ շփոթեք Medicare-ը Medicaid-ի հետ: Medicaid-ն առողջապահական ծրագիր է ցածր եկամուտ և սահմանափակ միջոցներ ունեցող անձանց համար: Medicaid ծրագիրը իրականացվում է նահանգային առողջապահական, մարդասիրական կամ սոցիալական ծառայությունների գործակալությունների կողմից: Որոշ անձինք իրավասու են միայն մեկ ծրագրով նպաստ ստանալու համար, մինչդեռ մյուսները կարող են ստանալ թե՛ Medicare-ը և թե՛ Medicaid-ը:

## Medicare-ը բաղկացած է չորս մասից

- Medicare-ի մաս A-ն (հիվանդանոցային ապահովագրություն) օգնում է վճարել հիվանդանոցում ստացիոնար բուժում անցնելու և որոշ հետագա ծառայությունների ծախսերը:
- Medicare-ի մաս B-ն (առողջության ապահովագրություն) օգնում է վճարել բժիշկների ծառայությունները, ամբուլատոր-պոլիկլինիկականների և այլ բժշկական ծառայությունների ծախսերը:
- Medicare-ի մաս C-ն (Medicare Advantage ծրագրերը) առկա է բազմաթիվ ոլորտներում: Medicare մաս A և B-ով ապահովագրված անձիք կարող են ընտրել Medicare-ի հաստատած մասնավոր ապահովագրական ընկերություն, որը կվճարի բոլոր այն առողջապահական ծառայությունների դիմաց, որոնք ապահովագրված են:
- Medicare մաս D-ն (Medicare-ի դեղատոմսով տրվող դեղերի ապահովագրությունը) օգնում է հոգալ դեղատոմսով տրվող դեղորայքի ծախսերը:

## Ո՞վ է իրավասու Medicare-ի մաս A-ի համար

Մարդկանց մեծամասնությունը ստանում է մաս A-ն՝ 65 տարին լրանալիս: Դուք ինքնաբերաբար իրավասու եք դառնում, եթե ունեք սոցիալական ապահովության կամ երկաթուղու կենսաթոշակային խորհրդի (Railroad Retirement Board) նպաստների իրավասություն: Կամ կարող եք իրավասու լինել նաև ձեր կնոջ/ամուսնու (այդ թվում ամուսնալուծված) աշխատանքի հիման վրա: Ոմանք կարող են իրավասու լինել, քանի որ հանդիսանում են պետական ծառայողներ՝ չունենալով սոցիալական ապահովության ծածկույթ, սակայն որոնք վճարել են Medicare-ի հարկերը:

Եթե սոցիալական ապահովության հաշմանդամության նպաստ ստանաք 24 ամիս շարունակ, ապա կունենաք մաս A-ի իրավասություն:

Եթե դուք սոցիալական ապահովության հաշմանդամության նպաստներ եք ստանում, քանի որ ունեք ամիտորոֆիկ կողմնային սկլերոզ (Lու Գերիգի հիվանդություն), ապա իրավասություն ունենալու համար ստիպված չեք լինի սպասել 24 ամիս:

Ինչպես նաև, մշտական երիկամային անբավարարություն ունեցող անձինք, ովքեր տևական դիալիզի կամ երիկամի փոխապատվաստման կարիք ունեն, մաս A-ի իրավունք ունեն, եթե բավարար երկար են աշխատել կամ հանդիսանում են իրավասու աշխատողի կինը/ամուսինը կամ երեխան:

Եթե չեք համապատասխանում այս պահանջներին, ապա կարող եք Medicare-ի հիվանդանոցային ապահովագրության հնարավորություն ստանալ՝ ամսական ապահովագիր վճարումներ կատարելով դրա համար: Լրացուցիչ տեղեկատվության համար զանգահարեք անվճար հեռախոսահամարով կամ այցելեք մեր կայքէջը:

Որոշ անձինք, ովքեր ենթարկվել են շրջակա միջավայրի՝ առողջության համար վտանգավոր պայմանների ազդեցությանը, իրավասու են մաս A-ի համար և կարող են գրանցվել մաս B-ի և մաս D-ի համար: Այդ մարդիկ ունեն ասբեստի ազդեցության հետևանքով առաջացած հիվանդություն և նախքան ախտորոշվելը, 10 տարի կամ ավելի երկար ժամանակահատվածի ընթացքում՝ առնվազն 6 ամիս բնակվել են Մոնտանա նահանգի Լինքոլն Քաունթիում:

## Ո՞վ է իրավասու Medicare մաս B-ի համար

Մաս A-ի իրավասություն ունեցող գրեթե յուրաքանչյուր ոք կարող է ստանալ մաս B-ն: Մաս B-ն կամավոր ծրագիր է և, սովորաբար, դուք պետք է վճարեք ամսավճար: 2017թ.-ին ստանդարտ ամսական վճարը կազմում է 134 ԱՄՆ դոլար: Ավելի բարձր եկամուտ ունեցող անձինք վճարում են բարձր ամսավճարներ:

## Ո՞վ կարող է ստանալ Medicare մաս C

Յուրաքանչյուր անձ, ով ունի Medicare մաս A և մաս B, կարող է միանալ Medicare առավելության ծրագրին (Medicare Advantage plan): Medicare առավելության ծրագիրը ներառում է՝

- Medicare կողմից կառավարվող ինսամքի ծրագրերը
- Medicare նախընտրելի մատակարար կազմակերպության (PPO) ծրագրերը
- Medicare մասնավոր վճարովի ծառայությունների ծրագրերը
- Medicare մասնագիտական ծրագրերը

Ի լրումն ձեր Medicare մաս B վճարին՝ հնարավոր է մեկ այլ ամսական վճարի կարիք լինի՝ ելնելով հավելյալ արտոնություններից, որոնք առաջարկվում են Medicare առավելության ծրագրի շրջանակներում:

## Ո՞վ կարող է ստանալ Medicare մաս D

Յուրաքանչյուր անձ, ով ունի Medicare մաս A կամ Medicare մաս B, իրավասու է դեղատոմսով դուրս գրվող դեղորայքի ապահովագրություն ստանալու համար: Medicare մաս D-ն կամավոր է և տվյալ ապահովագրություն համար դուք հավելյալ ամսական վճարում պետք է կատարեք: Ավելի բարձր եկամուտ ունեցող անձինք վճարում են բարձր ամսավճարներ: Շատ մարդիկ ստանում են իրենց մաս D ապահովագրությունը Medicare առավելության ծրագրի միջոցով:

## Ե՞րբ է պետք դիմել Medicare-ի համար

Եթե նպաստներ դեռ չեք ստանում, ապա պետք է ձեր 65 տարին լրանալուց երեք ամիս առաջ դիմել սոցիալական ապահովությանը՝ Medicare-ում գրանցվելու համար: Դուք պետք է գրանցվեք Medicare ծրագրում, եթե նույնիսկ չեք պլանավորում թոշակի անցնել 65 տարեկանում:

Եթե արդեն ստանում եք սոցիալական ապահովության կամ երկաթուղու կենսաթոշակային խորհրդի նպաստներ, ապա մենք Medicare ստանալու իրավունք ձեռք բերելուց մի քանի ամիս առաջ կկապվենք ձեզ հետ և տեղեկություններ կտրամադրենք: Եթե դուք ապրում եք ԱՄՆ 50 նահանգներից մեկում, Վաշինգտոնում, Հյուսիսային Մարիանյան կղզիներում, Ամերիկյան Սամոայում կամ Ամերիկյան Վիրջինյան կղզիներում, ապա մենք ավտոմատ կգրանցենք ձեզ Medicare մասի A-ի կամ B-ի համար: Սակայն, քանի որ դուք պետք է ապահովագիր վճարեք մաս B-ի ծածկույթի համար, ապա կարող եք այն կասեցնելու տարբերակն ընտրել:

Մենք **չենք կարող** ձեզ ավտոմատ գրանցել Medicare դեղատոմսով տրվող դեղորայքային ապահովագրության ծրագրին (մաս D): Մաս D-ն պարտադիր չէ և դուք պետք է ընտրեք այդ ապահովագրության ծածկույթը: Medicare-ի մասին թարմ տեղեկություններ ստանալու համար այցելեք [www.Medicare.gov](http://www.Medicare.gov) կայքէջը կամ զանգահարեք ստորև նշված անվճար հեռախոսահամարով:

|                 |                                                                                                                                                                                                    |
|-----------------|----------------------------------------------------------------------------------------------------------------------------------------------------------------------------------------------------|
| <b>Medicare</b> | Կայքը՝ <b><a href="http://www.Medicare.gov">www.Medicare.gov</a></b><br>Անվճար հեռախոսահամարը՝<br><b>1-800-MEDICARE</b><br><b>(1-800-633-4227)</b><br>TTY հեռախոսահամարը՝<br><b>1-877-486-2048</b> |
|-----------------|----------------------------------------------------------------------------------------------------------------------------------------------------------------------------------------------------|

**ՆՇՈՒՄՆԵՐ.** Եթե առաջին անգամ իրավասությունն ձեռք բերելուց հետո չեք բաժանորդագրվում մաս B-ին կամ մաս D-ին, ապա, հնարավոր է, տուգանք վճարեք ուշացած բաժանորդագրության համար՝ քանի որ ունեք մասը B-ի և մաս D-ի ապահովագրությունները: Գրանցվելիս, հնարավոր է նաև հերթ կանգնեք, ինչը կհետաձգի ձեր ապահովագրության կիրառումը:

Եթե ունեք առողջության պահպանման ինսյորդական հաշիվ (HSA) կամ բժշկական ապահովագրություն՝ աշխատանքի վայրից, ապա հարցրեք ձեր կադրերի



բաժնին կամ ապահովագրական ընկերությունը, թե ինչպես կազդի Medicare բաժանորդագրությունը ձեր վրա:

Պուլերտո Ռիկոյի և այլ օտար երկրների բնակիչները ավտոմատ չեն ստանա մաս B-ի ապահովագրությունը: Նրանք պետք է ընտրեն այդ առավելությունը: Լրացուցիչ տեղեկատվությանը ծանոթացեք Medicare հրապարակումից (Հրատարակություն No. 05-10043)(Publication No. 05-10043):

### «Լրացուցիչ օգնություն» ծրագիրը Medicare -ի դեղատոմսով տրվող դեղերի արժեքի համար

Եթե դուք սահմանափակ եկամուտ և միջոցներ ունեք, ապա կարող եք նաև Լրացուցիչ օգնության իրավասություն ունենալ Medicare-ի մաս D-ի շրջանակներում դեղատոմսով տրվող դեղորայքի վճարման հարցերում: Սոցիալական ապահովության դերն է՝ օգնել ձեզ հասկանալ, թե ինչպես կարող եք իրավասություն ստանալ և լրացուցիչ օգնության դիմում ներկայացնել: Ձեր իրավասությունը պարզելու կամ դիմելու համար՝ զանգահարեք սոցիալական ապահովության անվճար հեռախոսահամարով կամ այցելեք մեր կայքէջը:

### Medicare-ի ծախսերի այլ օժանդակությունը

Եթե ունեք ցածր եկամուտ և սակավ միջոցներ, ապա ձեր նահանգը կարող է վճարել Medicare-ի ապահովագրական վճարները և, որոշ դեպքերում, կվճարի նաև այլ ծախսեր՝ օրինակ, նվազեցումները և ապահովագրության համաֆինանսավորման գումարները:

Միայն ձեր նահանգը կարող է որոշել՝ արդյո՞ք իրավունք ունեք այս ծրագրով օժանդակություն ստանալու համար: Եթե կարծում եք, որ իրավասություն ունեք, ապա դիմեք ձեր Medicaid, սոցիալական կամ առողջապահական և մարդասիրական ծառայությունների գրասենյակներին: Այցելեք [www.medicare.gov/contacts](http://www.medicare.gov/contacts)

կամ զանգահարեք **1-800-MEDICARE (1-800-633-4227; TTY: 18774862048)** նրանց հեռախոսահամարին միանալու համար:

### Որոշ փաստեր սոցիալական ապահովության վերաբերյալ

#### 2017 Սոցիալական ապահովության հարկերը

- Դուք և ձեր գործատուն վճարում եք 6.2 տոկոս:
- Անհատ ձեռնարկատեր լինելու դեպքում դուք վճարում եք 12.4 տոկոս:
- Դուք չեք վճարում սոցիալական ապահովության հարկեր 127 200 ԱՄՆ դոլարից բարձր եկամուտների դեպքում

#### 2017 Medicare հարկերը

- Դուք և ձեր գործատուն՝ յուրականչյուրը վճարում եք 1.45 տոկոս:
- Անհատ ձեռնարկատեր լինելու դեպքում դուք վճարում եք 2.9 տոկոս:
- Medicare հարկերը վճարվում են ձեր ողջ եկամուտից. չկա որևէ սահմանափակում:
- Ավելի բարձր եկամուտ ունեցող աշխատողների համար գոյություն ունեն Medicare-ի հավելյալ հարկեր:

### Աշխատանքային միավորներ 2017

- Ձեր վաստակած յուրաքանչյուր 1300 ԱՄՆ դոլարի դիմաց դուք ստանում եք սոցիալական ապահովության մեկ «միավոր» (կրեդիտ), իսկ տարեկան առավելագույն միավորների քանակը չորսն է:
- Կենսաթոշակ ստանալու համար մարդկանց մեծամասնությանը անհրաժեշտ է 40 միավոր:
- Երիտասարդներն ավելի քիչ միավորների (կրեդիտների) կարիք ունեն՝ հաշմանդամության նպաստներ կամ նրանց ընտանիքի անդամներին կերակրողին կորցնելու նպաստներ ստանալու իրավունք ձեռք բերելու համար:

## 2017 թ.-ի սոցիալական ապահովության միջին ամսական նպաստները

- Կենսաթոշակառու աշխատանքային ստաժով՝ \$1,360
- Կենսաթոշակառու ամուսնական գույզը՝ \$2,260
- Աշխատանքային ստաժ ունեցող հաշմանդամ՝ \$1,171
- Աշխատանքային ստաժ ունեցող հաշմանդամ՝ կնոջ և երեխաների հետ. \$1,996
- Այրին կամ կողակիցը՝ \$1,300
- Երիտասարդ այրին կամ կողակիցը՝ երկու երեխաների հետ. \$2,695

## 2017 ամենամսյա SSI վճարումների դրույքաչափերը

(չի ներառում դաշնային հավելավճարները, եթե առկա են)

- \$735 անձի համար
- \$1,103 զույգի համար

## Կապ Հաստատել Սոցիալական Ապահովության Ծառայության հետ

Կան Սոցիալական Ապահովության Ծառայության հետ կապ հաստատելու տարբեր միջոցներ, այդ թվում առցանց, հեռախոսով և անձնապես: Մենք այստեղ ենք՝ Ձեր հարցերին պատասխանելու և Ձեզ սպասարկելու նպատակով: Ավելի քան 80 տարվա ընթացքում, Սոցիալական Ապահովությունը օգնում է ապահովելու այսօրվա և վաղվա օրը՝ միլիոնավոր մարդկանց տրամադրելով նպաստներ և ֆինանսական աջակցություն՝ իրենց կյանքի ճանապարհին:

## Այեցելք մեր կայքէջը՝

Ցանկացած վայրից և ցանկացած ժամանակ Սոցիալական Ապահովության գործնետությունը վարելու ամենհարմար եղանակը դա մեր՝ **[www.socialsecurity.gov](http://www.socialsecurity.gov)** կայքէջը այցելելն է: Այնտեղ Դուք կարող եք՝

- Ստեղծել *my* Social Security account (իմ Սոցիալական Ապահովություն անձնական էջը)՝ Ձեր *Social Security Statement (Սոցիալական Ապահովության հաշվետվությունը)* դիտելու, Ձեր հասույթը հավաստելու, նպաստների հավաստագրության նամակը տպելու, Ձեր ուղղակի փոխանցման (direct deposit) վերաբերյալ տեղեկատվությունը փոխելու, Ձեր Medicare-ի քարտի փոխարինում հայցելու, SSA-1099/1042S փոխարինում ստանալու նպատակով և ավելին;
- Դիմել Extra Help (Օժանդակ օգնության) ծրագրին Medicare-ի դեղատոմսով տրամադրվող դեղորայքի ծրագրով նախատեսված ծախսերի համար/
- Դիմել կենսաթոշակի, հաշմանդամության և Medicare-ի նպաստների համար
- Գտնել մեր հրատարակությունների կրկնօրինակները
- Ստանալ պատասխաններ հաճախ տրվող հարցերին և
- Շատ ավելին

Լշված ծառայություններից որոշները հասանելի են միայն անգլերեն լեզվով: Այցելք մեր Multilanguage Gateway բաժինը (Բազմալեզու էջը)՝ Հայերեն լեզվով տեղեկատվություն ստանալու համար: Մենք տրամադրում ենք անվճար թարգմանչական ծառայություններ, որպեսզի օգնենք Ձեզ վարելու Ձեր Սոցիալական Ապահովության գործնետությունը: Տվյալ թարգմանչական ծառայությունները հասանելի են անկախ նրանից, թե Դուք դիմել եք մեզ հեռախոսով, թե այցելել եք Սոցիալական Ապահովության գրասենյակ:

## Հեռախոս

Եթե Դուք չունեք համացանցի (հնտերնետի) հասանելիություն, ապա հեռախոսի միջոցով մենք շատ ավտոմատացված ծառայություններ ենք առաջարկում՝ օրը 24 ժամ շաբաթը 7 օր: Չանգահարեք մեզ մեր անվճար՝ **1-800-772-1213** հեռախոսահամարով կամ մեր TTY (հեռատիպ)՝ **1-800-325-0778** հեռախոսահամարով՝ լսողության հետ խնդիրներ ունենալու դեպքում:

Եթե Դուք աշխատակցի հետ խոսելու կարիք ունեք, ապա մենք կարող ենք պատասխանել Ձեր զանգերին՝ Երկուշաբթիից Ուրբաթ ժամը առավոտյան 07:00-ից մինչև երեկոյան 19:00-ը: Մենք խնդրում ենք Ձեր համբերատարությունը ծանրաբեռնված շրջաններում, քանի որ Դուք կարող եք ունենալ սովորականից ավելի հաճախ ստացվող ծանրաբեռնվածության ազդանշան և ավելի երկար սպասելաժամանակ մեզ հետ խոսելու համար: Մենք ակնկալում ենք սպասարկել Ձեզ:



Securing today  
and tomorrow